

**PEBA KIN MELELE KO REJIMWE ÑAN ARMIJ RO REJ BŌKE IM
ARMIJ RO REJ LALE ARMIJ RO REJ WĀ
KIN SPIKEVAX (WĀ IN COVID-19, mRNA), WĀ IN COVID-19 EO AN MODERNA, IM
WĀ IN COVID-19 EO AN MODERNA, BIVALENT (MŌTTAN NAÑINMIJ EO JINOIN
IM OMICRON BA.4/BA.5) ÑAN BOBRAE JĀN NAÑINMIJ IN CORONAVIRUS 2019
(COVID-19)**

ÑAN RO 6 AER YIŌ IM RŪTTOLOK

Remaroñ lewāj SPIKEVAX (Wā in COVID-19, mRNA), Wā in COVID-19 an Moderna, ak Wā in COVID-19 an Moderna, Bivalent (Mottan nañinmij eo jinoin im Omicron BA.4/BA.5), jān ijin maanlok jānaj ba Wā in COVID-19 eo an Moderna, Bivalent, ñan bobrae jān Nañinmij in Coronavirus eo an 2019 (COVID-19) im ear wālok jān SARS-CoV-2.

Peba in kin Melele ko Rejimwe kin Wā ñan Armij ro rej Boke Wā eo im Armij ro rej lale er ekoba Peba eo kin Melele ko Rejimwe ñan Wā in COVID-19 eo an Moderna emōj komelim im Wā in COVID-19 eo an Moderna, Bivalent emōj kōmelim ñan an ro 6 aer yiō im rūtto lok kojerbale, im ebar koba melele kin wā eo emōj an laijān jān FDA, SPIKEVAX (Wā in COVID-19, mRNA) ñan kajojo armij ro 12 aer yiō im rūtto lok kōjerbale.¹

SPIKEVAX (Wā in COVID-19, mRNA) emōj an FDA komelim im Wā in COVID-19 eo an Moderna emōj kowebben ñan Komelim ñan Kojerbal ilo Idin Ien (EUA) ippān kajojo armij ro 12 aer yiō im rūtto lok im remaroñ kojerbal wā kein alikin doon, ilo ien aer boki ekkar ñan kōmelele ko an kajojo wā kein kin wāween kōjerbale.²

SPIKEVAX (Wā in COVID-19, mRNA) ej juon wā in COVID-19 emōj an FDA komelim im ear komman jān ippān ModernaTX, Inc. Emōj komelim āinwot ruo wā ñan bobrae jān COVID-19 ippān kajojo armij ro 18 aer yiō im rūtto lok. Emōj bar kōmelim iomwin juon EUA ñan lelok:

- wā ko jinoin ruo ien wā ñan kajojo armij ro 12 ñan 17 aer yiō; im
- wā eo jinoin kein kajilu ñan kajojo armij ro 12 aer yiō im rūtto lok im emōj loe ke ewor jet kain wāween ko emōjno an enbwinnier maroñ bobrae jān nañinmij.

¹ Kwōmaroñ naj loe Peba in kin Melele ko Rejimwe kin Wā eo jekdon ajiri eo nejum 5 an yiō. Ajiri ro renaj 5 ñan 6 aer yiō im rej bed kotaan wā ko jinoin remaroñ boke jabdewōt wā ko jinoin, emaroñ: (1) Wā in COVID-19 eo an Moderna emōj komelim an ro 6 aer allon ñan 5 aer yiō kojerbale; ne ejab (2) Wā in COVID-19 eo an Moderna emōj komelim ñan kajojo ro 6 ñan 11 aer yiō.

Ajiri ro 11 aer yiō im mottan jidik 12 aer yiō im rej bed kotaan wā ko jinoin remaroñ boke jabdewōt wā ko jinoin, emaroñ: (1) Wā in COVID-19 eo an Moderna emōj komelim an ro 6 ñan 11 aer yiō kojerbale; ne ejab (2) Wā in COVID-19 eo an Moderna emōj komelim ñan kajojo ro

12 aer yiō im rūttolok kojerbale; ne ejab (3) SPIKEVAX (Wā in COVID-19, mRNA).

² SPIKEVAX (Wā in COVID-19, mRNA) emōj komelim im juon Wā in COVID-19 eo an Moderna emōj kowebben kin juon EUA (rej lelok iloan bato im eburoro mejaer im jeje ko ewor kalor bulu mera torerein) emaroñ kojербal alikin wā ko jinoin ñan kajojo armij ro 12 aer yiō im rūttolok ilo aer jab kwālok jabdewōt abnōnō kin uwōta ak jejjetin an jербal.

Emōj an Wā in COVID-19 eo an Moderna bōke juon komelim in EUA jān FDA ñan lelok:

- ruo wā ko jinoin ñan kajojo armij ro 6 aer yiō im rūttolok; im
- ej wā eo kein kajilu jān wā ko jinoin ñan kajojo armij ro 6 aer yiō im rūttolok kin jet kain ñaninmij ko rej kamojno an enbwinnier maroñ bōbrae jān nañinmij.

Wā in COVID-19 eo an Moderna, Bivalent emōj an FDA komelim kin juon EUA ñan lelok juon ian men kein:

- juon wā in kakajur ñan kajojo armij ro 6 aer yiō im rūttolok jab diklok jān 2 allon alikin aer kadedelok wā ko aer jinoin kin jabdewōt wā in COVID-19 monovalent³ emōj kowebben ak komelim; ak
- juon wā in kakajur ñan kajojo armij ro 6 aer yiō im rūttolok jab diklok jān 2 allon alikin aer boke wā in kakajur eo aliktata kin jabdewōt wā in COVID-19 monovalent emōj kowebben ak komelim.

Peba in kin Melele ko Rejimwe kin Wā eo ewor melele ko ñan jibañ am melele kin uwota im jibañ ko an SPIKEVAX (Wā in COVID-19, mRNA), Wā in COVID-19 eo an Moderna, im Wā in COVID-19 eo an Moderna, Bivalent, im kwomaroñ boke kinke ewor juon jorraan in COVID-19 emōj an jelote aoleben lal in ilo ien in. Kenono ippān armij eo ej lewāj wā eo am elañe ewōr am kajitōk.

SPIKEVAX (Wā in COVID-19, mRNA), Wā in COVID-19 eo an Moderna, im Wā in COVID-19 eo an Moderna, Bivalent emaroñ jab kōjbarok aoleb armij.

Emaroñ kar kōkkāal melele ko kobban Peba in kin Melele ko Rejimwe. Ñan Peba eo kin Melele ko Rejimwe aliktata, joutj im lal www.modernatx.com/covid19vaccine-eua.

TA EO KWŌJ AIKUJ JELĀ MOKTA JĀN AM BŌKE WĀ IN

TA IN COVID-19?

COVID-19 ej wālok jān coronavirus eo etannin SARS CoV-2. Jejañin loe kain coronavirus rōt in. Kwōmaroñ bōke COVID-19 ilo am bed iturin bar juon armij eo ewōr nañinmij in ippān. Elablok an nañinmij in emmenono im ej jelōte mōttan ko jet ilo enbwinnid. Armij ro ewōr COVID-19 ibbeir emōj aer kōjella kin eloñ kain kakōlkōl ko roktak, jān kakōlkōl ko redik ñan kauwōtata. Kakōlkōl ko remaroñ wālok iomwin 2 ñan 14 raan ālikin am kar kebaak kij in nañinmij eo. Kakōlkōl ko remaroñ ekoba: pipa ak bio, pokpok, kajjinōk, mōk, metak majel ak enbwin, metak bar, ekāal an ejellok neman ak bwin jabdewōt, metak būro, bōn ak toor boti; maloñloñ ak mōmmo; bidodo loje.

EWI WĀWEEN AN SPIKEVAX (WĀ IN COVID-19, mRNA) WĀ IN COVID-19 EO AN MODERNA, IM WĀ IN COVID-19 EO AN MODERNA, BIVALENT EINWŌT DOON?

³ Monovalent ej kenono kin jabdewōt wā in COVID-19 emōj kōmelim ak kowebben im ewōr ak ekoba protein jipaik eo an nañinmij in SARS-CoV-2 eo Jinoin.

⁴ SPIKEVAX (Wā in COVID-19, mRNA) emōj an FDA komelim im juon Wā in COVID-19 eo an Moderna emōj kowebben kin juon EUA (rej lelok ilon bato im eburoro mejaer im jeje ko ewor

kalor bulu mera torerein) emaroñ kojerbal alikin wā ko jinoin ñan kajojo armij ro 12 aer yiō im rüttolok ilo aer jab kwālok jebadewot abnono kin uwota ak jejjetin an jermal.

Wā in SPIKEVAX (Wā in COVID-19, mRNA) im Wā in COVID-19 eo an Moderna remaron kōjerbal alikin doon.⁴ Wā in COVID-19 eo an Moderna, Bivalent ej kōmman ilo ejjā wāween eo einwōt Wā eo an SPIKEVAX im Moderna, botab ebar ewōr kobban kin Omicron ñan jibañ bobrae jen COVID-19 im ear walok jen oktak eo an Omicron im ej juon kij in SARS-CoV-2.

Ñan melele ko relablok kin EUA, lale “**Ta in juon Kōmelim ñan Kōjerbal ilo Idin Ien (EUA)?**” jikin eo ilo jemlokin Peba in kin Melele ko Rejimwe.

TA EO KWŌJ AIKUJ BA ÑAN ARMIJ EO EJ LEWĀJ WĀ EO AM MOKTA JĀN AM AK AN AJIRI EO NEJUM BŌKE JABDEWŌT IAN WĀ KEIN?

Ba ñan armij eo ej lewāj wā eo am kin aoleb nañinmij ko am ak an ajiri eo nejum, ekoba elañe ewōr nañinmij kein ibbam ak ippān ajiri eo nejum:

- jabdewōt men ko kwōj kadeki ak abnōnō jeñi
- emōj an kar wōr am myocarditis (ebbōj ilo majel in menono) ak pericarditis (ebbōj ilo tōrerein menono)
- ewōr piba
- ewōr nañinmij in bōtōktōk ak kwōj ebōk wūno in jolok mekak in bōtōktōk
- emōjno an enbwinnim maroñ bōbrae jān nañinmij ak ej kōmman an mojno an enbwinnim ak enbwinnin ajiri eo nejum maroñ bōbrae jān nañinmij
- kwōbōroro ak kwōj bebe ñan am bōroro
- kwōj kaninnin
- emōj ke am kar bōke bar juon wā in COVID-19
- emōj am kar lotlok jān wā

WON RO EJAB BŌKE SPIKEVAX (WĀ IN COVID-19, mRNA), WĀ IN COVID-19 EO AN MODERNA, AK WĀ IN COVID-19 EO AN MODERNA, BIVALENT?

Kwe im ajiri eo nejum ejab aikuj bōke jabdewōt wā kein elañe emōj am ak an ajiri eo nejum:

- ewor kar juon am abnono kauwotata alikin am kar boke juon wā in SPIKEVAX (Wā in COVID-19, mRNA) ak Wā in COVID-19 eo an Moderna
- ekkar wōr am abnōnō kauwōtata ear wālok jān jabdewōt men ko kobban wā in

TA KO KOBAN WĀ KEIN?

SPIKEVAX (Wā in COVID-19, mRNA), Wā in COVID-19 eo an Moderna, im Wā in COVID-19 eo an Moderna, Bivalent ewor kobban kein laajrak: messenger ribonucleic acid (mRNA), lipids (SM-102, polyethylene glycol [PEG] 2000 dimyristoyl glycerol [DMG], cholesterol, im 1,2-distearoyl-sn-glycero-3-phosphocholine [DSPC]), tromethamine, tromethamine hydrochloride, acetic acid, sodium acetate trihydrate, im sucrose.

EWI WĀWEEN AER LELOK WĀ KEIN?

SPIKEVAX (Wā in COVID-19, mRNA), Wā in COVID-19 eo an Moderna, ak Wā in COVID-19 eo an Moderna, Bivalent renaj lewāj ilo aer wāiki majel in enbwinnim.

Wā ko Jinoin: SPIKEVAX (Wā in COVID-19, mRNA) im Wā in COVID-19 eo an Moderna rej lelok kin ruo wā, 1 allon alikin doon. Wā eo kein kajilu jān wā ko jinoinin remaroñ lewāj jab diklok jān 1 allon alikin wā eo kein karuo ñan kajojo armij ro ewor jet kain aer nañinmij ko rej kamojno an enbwinnier maroñ bobrae jān nañinmij.

Bar juon Wā in Kakajur: Wā in COVID-19 eo an Moderna, Bivalent rej lelok einwot juon wā in kakajur jab diklok jān 2 allon alikin:

- kadedelok wā ko jinoin kin jabdewōt wā in COVID-19 monovalent emōj kōmelim ak kowebben; ak
- boke wā in kakajur eo ekaaltata kin jabdewōt wā in COVID-19 monovalent emōj komelim ak kowebben.

EMŌJ KE KAR KOJERBAL WĀ KEIN MOKTALOK?

Milien armij ro 18 aer yiō im rūttolok emōj aer boke Wā in COVID-19 eo an Moderna iomwin juon EUA jān Tijemba 18, 2020. Ilo katak ko an wūno, tarrin 30,000 armij ro 12 aer yiō im rūttolok, 4,000 kajojo armij ro 6 ñan 11 aer yiō, im 5,000 armij 6 allon ñan 5 aer yiō rar bōke jab diklok jān 1 Wā in COVID-19 eo an Moderna.

Ilo katak ko an wuno, tarrin 400 armij ro 18 aer yiō im rūttolok rar boke 1 wā in bivalent im oktak jān Wā in COVID-19 eo an Moderna, Bivalent bwe oktak Omicron eo kobban.

TA JIBAÑ KO JĀN WĀ KEIN?

SPIKEVAX (Wā in COVID-19, mRNA) im Wā in COVID-19 eo an Moderna emōj loe ke ej bobrae jān COVID-19. Emōj an FDA komelimm Wā in COVID-19 eo an Moderna, Bivalent ñan lewāj kein bobrae jān COVID-19 im ear wālok jān oktak in Omicron im ej mottan SARS-CoV-2.

Ejañin wōr melele joñan aitok ad maroñ bōbrae jān COVID-19.

TA UWŌTA KO REMAROÑ WĀLOK JĀN WĀ KEIN?

Elukkun dik an wā kein maroñ lewāj juon abnōnō kauwōtata. Juon abnōnō kauwōtata ekkā an wālok alikin jet minit ñan juon awā jān ien eo kwār bōke wā eo. Kin mennin, jikin eo ej lewāj wā emaroñ kajitōk am ak an ajiri eo nejum kattar ilo jikin eo rar wāiki kwe ak ajiri eo nejum ñan aer lale kwe ñe ewōr abnōnō alikin wā. Kakōlle ko kin juon abnōnō kauwōtata emaroñ koba:

- Abañ in emenono
- Ebbōj iturin mejam im buruom
- Mokaj an paam menono
- Nennab eo eñana ilo aoleben enbwinnim
- Addeboulul im mojno

Myocarditis (ebboj ilo majel in menono) im pericarditis (ebboj ilo torerein jikin eo inabojin menono) emōj an wālok ippān armij ro rar boke SPIKEVAX (Wā in COVID-19, mRNA) ak Wā in COVID-19 eo an Moderna, elablok an kar wālok ippān likao ro rediklok jān 40 aer yiō jān kora im emmaan ro rerūttolok. Ippān elon armij, kakolkol ko rar jino wālok jet raan alikin aer boke wā eo kein karuo. An maroñ wālok mennin elab an lukkun dik. Kwōj aikuj bukōtlok taktō ilo ien eo wōt elañe jabdewōt kakōlkōl kein laajrak renaj walok alikin am bōke wā eo:

- Metak ob

- Kajjinōk
- Am enjaak an mokaj an paam menono, ibikbik, ak lab an paam menono

Abnōnō ko rar wālok alikin wā im emōj kōjella kaki ilo katak ko an wūno ikijān wā kein ekoba:

- Jorraan ko ilo jikin eo rar wāiki: metak, bin im ebboj iloan ilo ba eo rar wāiki, ebboj (bin), im buroro
- Abnōnō ko ekkā aer wālok: mōk im ekkā an ejab emmon mour, metak majel, metak bar, metak jimwin ba im ne, mōlanlōn, mōmmo, piba, biō

Abnōnō ko emōj kojella kaki ilo ien aer kar kojerbāl alikin komelim ekoba:

- Abnōnō ko rekauwōtata
- Myocarditis (ebbōj ilo majel in menono)
- Pericarditis (ebbōj ilo tōrerein menono)
- Lotlok jān aer lewāj wā eo

Emaroñ ejab aoleben abnōnō ko kein remaroñ wālok jān wā kein. Abnōnō kauwōtata im jejjab katmani remaroñ wālok. Rej katak wōt kin abnōnō ko remaroñ wālok jān wā kein.

TA EO IJ AIKUJ KŌMMANE JĀN ABNŌNŌ KO REJ WĀLOK JĀN WĀ KO?

Ñe enaj wālok abnōnō kauwōtata ibbam ak ippān ajiri eo nejum, kūrlok 9-1-1, ñe ejab etal ñan aujbitol eo ebaaktata ñan kwe.

Kūrlok jikin wā eo ak taktō eo am elañe ewōr jabdewōt am jorrāan ko kabnōnō kaki ak rejab jako.

Kōjella kin abnōnō ko rej wālok jān wā ñan **Kein Jerbal eo kin Kōjella kin Abnōnō ko rej Wālok jān Wā (VAERS) an FDA im Opij eo ej bōk eddon kōjbarok im bōbrae jān nañinmij (CDC)**. Nomba eo an VAERS ejellok wonnen kūrlok ej 1-800-822-7967 ñe ejab ripoot online ilo <https://vaers.hhs.gov/reportevent.html>. Jouj im likut juon ian “SPIKEVAX (Wā in COVID-19, mRNA)”, “Wā in COVID-19 eo an Moderna ewor an EUA,” ak “Wā in COVID-19 eo an Moderna, Bivalent ewor an EUA”, einwot ekkar, ilo lain eo an bok #18 ilo peba in ripoot eo.

Im bareinwot, kwomaroñ kojella kin abnōnō ko ñan ModernaTX, Inc. ilo 1-866-MODERNA (1-866-663-3762).

Remaroñ bar lewāj juon wāween ñan am kadeloñ etam ilo **v-safe**. **V-safe** ej juon kein jermal ilo smartphone ekaal im an armij make bebe in kōjerbale ej kōjerbāl text majej im wāanjoñok ko ilo bwe ippān armij ro emōj aer wā ñan kalikar abnōnō ko remaroñ wālok alikin aer bōk wā eo an COVID-19. **V-safe** ej lelok kajitōk ko rej jibañ an CDC lale an ejellok jorrāan ilo wā ko an COVID-19. **V-safe** ej bar lelok bwe ren lale ilo talebon ippān CDC elañe armij ro renaj ripoot kin jorrāan in ejmour eo elab joñan alikin aer bōk wā eo an COVID-19. Ñan melele ko relablok kin wāween am kadeloñ etam, lale: www.cdc.gov/vsafe.

AK NE INAJ KELET IN BOKE SPIKEVAX (WĀ IN COVID-19, mRNA), WĀ IN COVID-19 EO AN MODERNA, AK WĀ IN COVID-19 EO AN MODERNA, BIVALENT?
Iomwin juon EUA, kwōmaroñ kelet in bōke ak jab bōke wā eo. Ñe kwōnaj kelet in jab bōke wā in, ak ñan an ajrii eo nejum jab bōke jabdewōt wā kein, eban janiji joñan aer lewāj jibañ in kōmadmōd ko jān taktō.

TA KELET KO JET EWOR ÑAN BOBRAE JĀN COVID-19 IJELLOKUN SPIKEVAX (WĀ IN COVID-19, mRNA), WĀ IN COVID-19 EO AN MODERNA, AK WĀ IN COVID-19 EO AN MODERNA, BIVALENT?

Ñan wā ko jinoi ippān kajojo armij ro 12 aer yiō im rūttolok, bar juon wā eo kwōmaroñ bōke ñan bobrae jān COVID-19 ej COMIRNATY (Wā in COVID-19, mRNA), juon Wā in COVID-19 emōj an FDA komelim wā eo. Ñan kajojo armij ro 6 aer yiō im rūttolok, wā ko jet remaroñ bōbrae jān COVID-19 emaroñ wōr iomwin juon EUA, ekoba wā ko an bivalent im ewōr Omicron kobban jān SARS-CoV-2.

IMAROÑ KE AK AJIRI EO NEJU EMAROÑ KE BŌKE SPIKEVAX (WĀ IN COVID-19, mRNA), WĀ IN COVID-19 EO AN MODERNA, AK WĀ IN COVID-19 EO AN MODERNA, BIVALENT ILO EJJA IEN EO IJ BOKE WĀ KO JET?

Ejanin wor melele emōj lelok ñan FDA kin aer lelok SPIKEVAX (Wā in COVID-19, mRNA), WĀ in COVID-19 eo an Moderna, ak Wā in COVID-19 eo an Moderna, Bivalent ilo ejja ien eo juon ej boke wā ko jet. Ne kwōj lomnak am ak an ajiri eo nejum bōke SPIKEVAX (Wā in COVID-19, mRNA), Wā in COVID-19 eo an Moderna, ak Wā in COVID-19 eo an Moderna, Bivalent ippān wā ko jet, kenono ta ko kwōmaroñ boke ippān takto eo am ak taktō eo an ajiri eo nejum.

AK ÑE EMŌJNO AN ENBWINIU AK ENBWINNIN AJIRI EO NEJU BŌBRAE JĀN NAÑINMIJ?

Ne ewor am ak an ajiri eo nejum nañinmij eo ej kamojno an enbwinnim maroñ bobrae jān nañinmij, kwōmaroñ bōke wā eo kein kajilu jān wā ko jinoi an Wā in COVID-19 eo an Moderna ak SPIKEVAX (Wā in COVID-19, mRNA).

Kajojo armij ro 6 aer yiō im rūttolok remaroñ boke wā in kakajur kin Wā in COVID-19 eo an Moderna, Bivalent. Wā ko remaroñ jab lewāj aoleben joñan eo aikuj ñan bobrae jān nañinmij in COVID-19 ippān armij ro emōjno an enbwinnier maroñ bōbrae jān nañinmij, im kwōj aikuj woñmaanlok in kōjbarok wāween am makūtūt ñan jibañ bōbrae jān COVID-19. Armij ro elab am kebaak er rej aikuj bar wā einwōt an ekkar.

AK KIN BŌRORO AK KANINNIN?

Ñe kwe ak ajiri eo nejum ebōroro ak kom ej kakaninnin, kenono kin ta ko jet kwōmaron bōki ibben taktō eo am.

WĀ KEIN RENAJ KE LETOK COVID-19 ÑAN NA AK AJIRI EO NEJU?

Jab. Ejellok SARS-Cov-2 kobban wā kein im reban lewāj COVID-19 ñan kwe.


KŌJBAROK KAAT IN WĀ EO AM IBBAM

Ilo ien am boke wā in COVID-19 eo am kein kajuon, kwonaj boke juon am kaat in wā. Kememej in boktok kaat eo am ilo ien am rooltok.

MELELE KO RELABLOK

Ñe ewōr am kajitōk, lale website eo ñe ejab kūrlok nomba in talebon eo emōj lewāj ilal.

Ñan loe Peba ko kin Melele ko Rejimwe rekāāltata, scan ae kakōlle in QR eo emōj lewāj ijin lal.

Website eo an Wā in COVID-19 eo an Moderna	Nomba in talebon
www.modernatx.com/covid19vaccine-eua 	1-866-MODERNA (1-866-663-3762)

EWI WĀWEEN AŌ BŌK MELELE KO RELABLOK?

- Kajitōk ippān jikin eo ej lewāj wā eo
- Lale ippān CDC ilo <https://www.cdc.gov/coronavirus/2019-ncov/index.html>
- Lale FDA ilo <https://www.fda.gov/emergency-preparedness-and-response/mcm-legal-regulatory-and-policy-framework/emergency-use-authorization>
- Kebaak opij eo an ejmour an state bukon eo am

IA EO RENAJ KAKWŌNE MELELE IN WĀ EO AŌ?

Jikin eo ej lewāj wā eo emaroñ kobaiki melele in wā eo am ilo Kein Jerbal eo an Melele in Wā an state/jukjukinbed eo am (IIS) ak ilo bar juon kein jermal. Mennin enaj loloorjak am bōke ejjā wā eo ilo ien am roollok in bōke wā eo kein karuo jān wā ko jinoin. Ñan bōk melele ko relablok kin IIS, lale:

<https://www.cdc.gov/vaccines/programs/iis/about.html>.

REMAROÑ KE LETŌK JUON WONNEN KŌMADMŌD KIN AŌ BŌKE WĀ IN COVID-19 KEIN?

Jab. Ilo ien in, jikin eo ej wāiki eok eban lewāj wonnen wā eo im kwōban elo wonnen eo kwōj make kolla kin aer kōmadmōde wā eo ak jabdewōt bar wonnen elañe kwōj bōke wōt wā in COVID-19 eo. Bōtab, ro rej lewāj wā remaroñ kabōk an roollok wonnen eo jān juon burokraam ak injuran eo ej kollaiki wonnen aer kōmadmōde wā in COVID-19 eo ñan armij eo ej wā (injurān an kombani, Medicare, Medicaid, HRSA COVID-19 Burokraam an Ejellok Injurān ñan armij ro rej bōke wā eo im ejellok aer injuran).

IA EO IMAROÑ RIPOOT MELELE KO IJ LOMNAK EWŌR KOOT?

Kajojo armij ro remaron jelā kin jabdewōt ruprup in mennin aikuj ko an Burokraam in Wā eo an COVID-19 an CDC emōj rōjañ aer ripoot kaki ñan Opij eo an Rijerbal eo ej Etale (Office of the Inspector General), U.S. Department of Health and Human Services, ilo 1-800-HHS-TIPS ak TIPS.HHS.GOV.

TA BUROKRAAM IN JIBAÑ JĀN JORRĀĀN REMAROÑ LETŌK?

Burokraam in Jibañ kin Kolla jān Jorrāān ko Remaroñ Wālok (CICP) ej juon burokraam an federal emaroñ jibañ kolla wonnen taktō im jejetin wonnen ko jet ñan jet armij ro emōj an kauwōtata jorrāān ko aer jān jet wūno ak wā, ekoba wā in. Ekka, jej aikuj lelok juon claim ñan

CICP iloan juon (1) yiō jān raan eo kwār bōke wā eo. Nān nān bōk melele ko relablok kin burokraam in, lala www.hrsa.gov/cicp/ ñe ejab, kūrlok 1-855-266-2427.

TA JUON KŌMELIM NĀN KŌJERBAL ILO IDIN IEN (EUA)?

EUA eo ej juon wāween kōlaajrak an wōr im ad maroñ kōjermal mweiuk in taktō ko, ekoba wā, ilo ien idin nañinmij ko rejelōt armij, einwōt jorrāān in COVID-19 eo kiō emōj an jelōte aoleben lal in. EUA eo ej jibañ kin kōjella eo jān Secretary eo jān Opij eo ej bōk eddon Jerbal in Jibañ ko ikijān Eymour im nān Armij (HHS) ke emōn an wōr wāween ko rej kamool ad aikuj mweiuk in taktō ko ilo idin ien ilo ien jorrāān in COVID-19 eo kiō emōj an jelōte aoleben lal in. Juon mweiuk eo emōj kōmelim nān kōjermal ilo idin ien ejañin de bed ilo kain etale eo jān FDA einwōt juon mweiuk FDA emōj an kōmelim.

FDA emaroñ lelok juon EUA ilo ien etōbrak jejjetin wāween ko, im ekoba ejellok wāween ko jet rebwe joñaer, emōj kōmelim, im ewōr. Im bareinwōt, kelet eo an FDA ej ekkar nān aoleben kein kamool in katak ko an science ewōr im rej kwālok ke mweiuk eo emaroñ jejjet an jermal nān bōbrae jān COVID-19 ilo ien jorrāān in COVID-19 eo ear jelōte aoleben lal in im ke jibañ ko emōj ad jela kaki im remaroñ wālok jān mweiuk eo elablok ad jela jān uwōta ko remaroñ wālok jān mweiuk eo. Aoleb wāween kein rej aikuj tōbrak nān kōmelim an mweiuk eo jermal ilo ien jorrāān in COVID-19 eo emōj an jelōte aoleben lal in.

Juon EUA ejejjet kūtien nān aoleben ien kōjella in EUA eo nān COVID-19 ej kamool ad kōjermal mweiuk in ilo idin ien, ijellokun ñe emōj kabōjrak ak jolok (alikin innem mweiuk eo emaroñ jako ad kōjerbale).

Moderna US, Inc.
Cambridge, MA 02139

©2022 ModernaTX, Inc. Emōj dabij aoleb maroñ.
Maroñ eo/ko nān kamo an bar juon kojermal: www.modernatx.com/patents
Emōj kōkkāāl melele: Oktoba/12/2022



Kakōlle in QR Scan nān pija ke Peba in kin Melele ko Rejimwe emōj kar lelok nān armij eo ej bōke wā eo nān rekoot in taktō ko online/kein jermal ko kin melele in wā.

GDTI: 0886983000349